

APPARITIONIS 24

S. JACOBI APOSTOLI;

ET

HISPANIARUM PATRONI.

DUPLEX.

DIE XXIII. MAII.

In festo Apparitionis sancti Jacobi
Apostoli, & Hispaniarum
Patroni. Duplex.

Ad Vesperas, Antiphona. Accēs-
sit ad Jesum Mater filiorum Ze-
bedæ, cum reliquis de Laudibus. 6.
Psalmus. Dixit Dominus, cum re-
liquis de Dominica, & loco ul-
timi, Psalmus. Laudate Dominum
omnes Gentes.

Capitulum. 1. Cor. 4. b

Fratres, Puto quod Deus
nos Apostolos novissimos
ostendit, tamquam morti
destinatos: quia spectaculum facti
sumus mundo, & Angelis, &
hominibus.

Hymnus.

Defensor alme Hispaniæ,
Jacobe, vindex hostium,
Tonitruum quem filium
Dei vocavit Filius.

Huc cœli ab altis sedibus
Converte dexter lumina,
Audique lati debitas
Grates, tibi quas solvimus;

Grates refert Hispania,
Felix tuo quæ nomine.
Ductuque perstat libera,
Vitatque Gentis dedecus,

Tu, cum jaceret barbaris
Cedens, & impar hostibus,
Præsens inexpugnabile
Robur dabas Ramirio.

Tu, bella cum nos cingerent;
Es visus ipso in prælio,
Equoque, & ense acerrimus,
Mauros furētes sternere.

Per te redemptæ Virgines
Laudis repēdunt cantica,
Nosque à tributo liberi,
Hymni tributum pēdimus.

Deo Patri sit gloria,
Et Filio, qui à mortuis
Surrexit, ac Paráclito,
Et nunc, & omne in sæculum.
Amen.

✱. Constitues eos Principes super
omnem terram, allelúia. ✱. Mé-
mores erunt nominis tui Domine,
allelúia.

Ad Magnificat, Antiphona.

Visitavit nos per sanctum suum
Apostolum, & fecit salutem de in-
imicis nostris, Dominus Deus no-
ster, allelúia.

Oratio:

Deus, qui Hispaniarum Gen-
tem beato Jacobo Apосто-
lo tuo protegendam mi-
sericorditer tribuisti, & per eum
ab

ab imminenti exitu mirabiliter liberasti : concède quæsumus , ut eodem protegente pace perfruamur æterna. Per Dñm.

Ad Matutinum , Invitatorium.

Christum Regem triumphantem in terris , * Venite adorémus , alleluia. P salmus. V enite , exultemus.

Hymnus.

Jacòbum celebret fortis Ibèria ;
Jacòbum mèritis tollat honoribus ,

Per quem , barbarici nescia fœderis ,

Victrix imperat hostibus.

Vestigal rùcibus pendere flèbile
Urgètur dñinis imperiosius ;
Centenasque lupis spontè rapacibus

Lectas sistere Virgines.

Aversata nefas , arma ferocior
Poscit mox Arabem , fida Ramirio ,
It contra : numero sed nimis impari

Virtus cedere cogitur.

Quid sperare datur ? Pròmicat æthere
Proles horridici clara tonitruis ,
Lunatasque acies , agmina barbara

Sacro lumine disjicit.

Ardens in medios fertur acinaces ,
Instatque attonitis ; undique pavidos
Maurorum cuneos rumpit & integra

Victor pròterit agmina.

Esto exercituum non superabilis
Ductori , ac Dòmino , jugis honor Patri ,
Cum Prole Unigena , almòque
Pneumate ,
Per labèntia sæcula.
Amen.

Antiphonæ , Psalmi , v. primi ,
secundi , & tertii Nocturni de
Communi Apostolorum tempore
Paschali.

In primo Nocturno.

De libro secundo Machabæorum

Lectio j.

Cap. 11.



Ysias , procurator regis
& propinquus , ac negotiorum prapòsitus , graviter ferens de his , qui acciderant , congregatis

octoginta millibus , & equitatu universo , veniebat adversus Judæos , existimans se civitatem quidem capitam Gèntibus habitaculum facturum , templum verò in pecunia quæstum , sicut cetera delubra Gèntium , habiturum , & per singulos annos venale sacerdotium : nunquam recògitans Dei potestatem ; sed mente effrenatus , in multitudine peditum , & in octoginta elephantis confidebat. Ingressus autem Judæam , & appropians Bethsuræ , quæ erat in angusto loco , ab Hierosolyma intervallo quinque stadiorum , illud præsidium expugnabat.

¶ Procedens Jesus juxta mare Galilææ , vidit duos fratres , Jacòbum Zebedæi , & Joànnem fratrem ejus , in navi , * Et vocavit eos : qui statim relictis retibus , & patre , secuti sunt Dñm , alleluia. * Erant Jacòbus , & Joànnes fratres in navi cum Zebedæo patre eorum , reficientes retia sua. Et vocavit.

Lectio ij.

UT autem Machabæus , & qui cum eo erant , cognoverunt expugnari præsidia , cum fletu & lacrymis rogabant Dñm , & omnis turba simul , ut bonum Angelum

gelum mitteret ad salutem Israël. Et ipse primus Machabæus, sumptis armis, ceteros adhortatus est simul secum periculum subire, & ferre auxilium fratribus suis. Cumque pariter prompto animo procederent, Jerosolymis apparuit præcedens eos eques in veste candida, armis aureis hastam vibrans. Tunc omnes simul benedixerunt misericordem Dominum, & convaluerunt animis: non solum homines, sed & bestias ferocissimas, & muros ferreos parati penetrare.

R. Vocavit ad se Dominus Jacobum Zebedæi, & Joannem fratrem Jacobi, & fecit ut essent secum inter duodecim, & ut mitteret eos prædicare. ***** Et imposuit eis nomina Boanerges; quod est Filii tonitruum, alleluia. **ψ.** In omnem terram exivit sonus eorum, & in fines orbis terræ verba eorum. Et.

Lectio iij.

Ibant igitur prompti, de cælo habentes adiutorem, & miserantem super eos Dominum. Leonum autem more irruentes in hostes prostraverunt ex eis undecim millia peditum, & equitum mille sexcentos: universos autem in fugam verterunt, plures autem ex eis vulnerati nudi evaserunt. Sed & ipse Lysias turpiter fugiens evasit. Et quia non insensatus erat, secum ipse reputans, factam erga se diminutionem, & intelligens invictos esse Hebræos, omnipotentis Dei auxilio innitentes, misit ad eos: promissitque se consensurum omnibus, quæ justa sunt, & Regem compulsurum amicum fieri. Annuit autem Machabæus precibus Lysie, in omnibus utilitati consulens.

R. Cum venisset Jesus in domum principis Synagogæ, ***** Non permisit intrare secum quemquam, nisi Petrum, & Jacobum, & Joannem, & patrem, & matrem puellæ, alleluia. **ψ.** Et dixit: Nolite flere, non est mortua puella, sed dormit. Non permisit. **Gloria Patri. Non permisit.**

In secundo Nocturno.

Lectio iv.

Inter innumera, eaque maxima beneficia, quæ beato Jacobo Apostolo, ac Tutelari suo munificentissimo accepta refert Hispania, illud in primis memorandum, & æterna grati animi significatione recolendum est, quod ad Clavigium, Rivogiae montem, olim obtinuit. Cum enim Saraceni, Hispaniæ latissime dominantes, centum nobiles puellas à Christianis exigere consuevissent, easque Abderramānus, potentissimus ipsorum Rex, tributum nomine, representari sibi minaci legatione flagitaret, Ranimirus, qui Legionis Regnum nuper adierat, ad efrontem Mauri postulantis audaciam totus inhorrui: certusque extrema quæque experiri potius, quam tantum Christianæ Fidei probrum, tantam nomini Hispano labem aspergere; aut pati, ut Christianæ Virgines Mauris, id est, margaritæ porcis, innocentes agnæ voracibus lupis traderentur, ex tota ditione, quotquot erant armis idonei ad signa vocavit; coactione exercitu, quem Præsules, Sacerdotes, alisque Viri sacri, ut in communi discrimine, spontè sequebantur, in Maurorum fines ultrò animosus irrupit. Abderramānus contra potentia tumidus, repulsa feroc, & Ranimiri provocatiōe

catione ferocior; auctis novo delectu veteranis copiis, Africa etiam in auxilium evocata, impigre Christianis occurrit.

R. Assumpsit Jesus Petrum, & Jacobum, & Joannem fratrem ejus, & duxit illos in montem excelsum seorsum, * Et transfiguratus est ante eos, alleluia. **V.** Et ecce apparuerunt illis Moyses & Elias cum eo loquentes. Et. **Lectio v.**

AD Alveldam, Rivogiae oppidum, collatis signis, totis utrimque viribus, & tanta contentione depugnatum est, ut atrox, cruentaque dimicatio diem extraxerit, ancipiti semper, & pendente victoria: donec ea sub noctem in Mauros jam inclinante, Ranimirus fatigatas, & promptissimorum nece imminutas copias in proximum collem, cui Clavigio nomen est, opportunè subduxit. Loco pro tempore munito, & vulneratis cura adhibita, in suprema rerum desperatione, luctuque, omnes, ut sit, in vota, & preces effusi. Regem mœrore confectum, & de suorum salute sollicitum, anxiumque, somnus oppressit. Dormienti objecta est species viri augustior, quam pro humano habitu; & sciscitanti quisnam esset? Sum, inquit, Jacobus Apostolus, cui à Domino Hispaniae tutela commissa est. Ne time: manè adero, & me duce, de circumfusa Saracenorum multitudine illustrem victoriam reportabis. Rex ad has voces evigilans, & nuntio latus, Praefules, Magnates, Duces ad se vocat, & de re tota edoctos, ac caelestibus promissis animatos, militum etiam animos erigere, manipulos ordinare, aciemque instruere jubet.

R. Potestis bibere calicem quem ego bibo? aut baptismo, quo ego baptizor, baptizari? dixit Jesus Jacobo & Joanni filiis Zebedae. * At illi dixerunt ei, Possumus, alleluia. **V.** Calicem quidem, quem ego bibo, bibetis; & baptismo, quo ego baptizor, baptizabimini. At illi.

Lectio vj.

TUm, signo dato, Hispani à vertice montis, velut impavidi leones, aut urfi praecipites ruunt, irruuntque in Mauros, mira alacritate, magnisque vocibus sanctum Jacobum ingeminantes. Apostolus, uti erat pollicinus, equo insidens candidissimo, niveum vexillum praeferebat, gladioque fulmineo minax, Hispanos suos anteire; atque in hostem ducere visus est, equoque, & ense acerrimus Mauros furētes sternere, ac proculcare; ponē sequentibus Hispanis, & per attonitas jam phalanges terrorem, & stragem latè spargentibus. Deinde afflictæ, ac laceræ illae Hispanorum reliquæ, caesis septuaginta circiter Saracenorum militibus, reliquis profligatis, jugo Mauricæ servitutis excusso, & turpissimo vectigali prorsus abolito, de hoste superbissimo, & paulo antè victore, gloriōse pariter, ac miraculose triumpharunt. Rex, Praefules, Magnates, Duces, vigorque exercitus, secundum gratias Deo actas, universam Hispaniam beato Jacobo vectigalem facere certæ mensuræ frumenti, vique pro singulis terræ jugeris, primitiarum more, ex voto pendendæ. De quo extat luculentum Ranimiri Regis Diplōma, aliorumque etiam Regum Diplōmatis insertum,

sértum, confirmátumque, Romá-
nórum Pontíficum Decrétis robo-
rátum, & perpétua ad hodiérnam
diem observántia ratum, ac fir-
mum. Porro victóriam ádeò mirá-
bilem, & Hispánia salutárem,
Deo, ac beáto Jacóbo Patróno
suo adscribendam, Hispánia ipsa
anniversária gratitúdine, ac cele-
britáte profitétur.

R. Assúmpsit Jesus Petrum, &
Jacóbum, & Joánnem secum, &
cœpit pavère, & tædere: * Et
ait illis; Tristis est ánima mea us-
que ad mortem, allelúia. **V.** Su-
stinête hîc, & vigiláte mecum. Et
ait illis. **G**loria Patri. Et ait illis.

In tertio Nocturno.

Lectio sancti Euagélîi secúndum
Matthæum.

Lectio vij.

Cap. 20.

IN illo témpore: Accéssit ad
Jesum Mater filiôrum Zebedæi
cum filiis suis, adorans & petens
áliquid ab eo. Et reliqua.

Homília Venerábilis Bedæ
Presbyteri.

CRedéndum est, quòd illa má-
ximè causa, vel muliebrem
matris afféctum, vel carná-
les adhuc discipulôrum ánimos ad
hæc postulánda concitáverit, quia
meminissent sermónis Dómini, cum
ait: Cum séderit Filius hóminis in
sedé majestátis suæ, sedébitis &
vos super sedes duódecim; nos-
céntque se inter discipulos speciá-
lius à Dómino diligi, se speciá-
lius eum beáto Petro cóncios
sæpè factos arcanôrum, quæ ig-
norarent ceteri, quod frequens
sancti Euagélîi textus indicat.

R. Misit Heródes rex manus, ut
affligeret quosdam de Ecclesiá.

* Occidit autem Jacóbum fratrem

Joánnis gládio, allelúia. **V.** Ecce
ego mitto ad vos Prophétas, &
sapientes, & scribas, & ex illis
occidétis. Occidit.

Lectio viij.

HInc est enim, quòd ipsis quo-
que, quómodò Petro, novum
ab illo nomen impónitur: ut sicut
ille, qui prius Simon dicebátur,
per fortitudinem, ac stabilitátem
fidei impugnábilis vocábulum Pe-
tri méruit; ità & isti Boanérges,
hoc est, Filii tonitruî vocarentur:
quia videlicet & vocem Patris su-
per Dóminum in monte clarificá-
tum unà cum Petro audirent, &
plura áliis discipulis mysteriôrum
secrêta cognóscerent.

R. Ilte est qui ante álios Apósto-
los primus plantávit Ecclesiám sán-
guine suo: * Cujus corpus in
Gallaciam delátum per totum or-
bem glória illustrátur, allelúia.
V. O fidus, ô decus Hispánia,
sancte Jacóbe Apóstole, intercède
pro nobis ad Deum qui te elê-
git. Cujus corpus. **G**loria Patri.
Cujus corpus.

Lectio ix.

Quia verò fídem filii Zebedæi
promptum gerébant ánimam
ad bibéndum cálicem Dómini,
constat eos cum ceteris Apóstolis
dignitátem sêdium, quam quæré-
bant, accepisse; non tamén ea
distinçãoe, qua petébant, sed
ambo prius ad sinistram ejus ad
tempus, ambo nunc ad dexteram
ejus sedére perpétuò meruérunt.
A sinistris quippè Christi sedébant,
cum regédis in hac vita fidélium
pópulis Apostólicò jure præsidé-
rent, illo nimirum in regno, de
quo ipse ait: Regnum Dei intra
vos est. Sedent à dextris nunc in
illa,

illa ; quæ mortem nescit , vita ;
iudices mundi cum illo , utramque
hanc sedem illis ipso Filio cum
Patre parante.

Te Deum laudamus.

A D L A U D E S ,

& per Horas , Añā.

Accēssit ad Jesum Mater fili-
um Zebedæi cum filiis suis ,
adorans , & petens aliquid ab eo ,
alleluia. **Psalmus.** Dñus regnā-
vit. cum reliquis de Dominica.

Añā. Dic , ut sédeant hi duo filii
mei , unus ad dexteram tuam , &
unus ad sinistram in regno tuo ,
alleluia. **Añā.** Potēstis bibere cali-

cem , quem ego bibitūrus sum ?
Dicunt ei : Possumus , alleluia.

Añā. Cálícem quidem meum bi-
bētis : sedēre autem ad dexteram
meam , & ad sinistram , non est
meum dare vobis , sed quibus pa-
rātum est à Patre meo , alleluia.

Añā. Quicumque voluerit inter
vos major fieri , sit vester miní-
ster , alleluia.

Capitulum. 1. Cor. 4. b

Fratres , Puto quòd Deus nos
Apóstolos novísimos ostēdit ,
tamquam morti destinatos : quia
spectaculum facti sumus mundo ,
& Angelis & hominibus.

Hymnus.

Defēnsor alme Hispāniæ ,
Jacòbe , vindex hóstium ,
Tonitruum quem filium
Dei vocāvit Filius.

Huc cœli ab altis sēdibus
Convérte dexter lúmina ,
Audique læti débitas
Grates , tibi quas sôlvimus.

Grates refert Hispānia ,
Felix tuo quæ nómine ,
Ductūque perstat libera ,
Vitātque Genis dēdecus.

Tu , cūm jacēret bārbāris
Cedens , & impar hóstibus ,
Præsens inexpugnabile
Robur dabas Ramirio.

Tu , bella cūm nos cīngerent ,
Es visus ipso in prælio ,
Equoque , & ensē acerrimus ,
Mauros furētes stērnere.

Per te redēptæ Virgines
Laudis repēdunt cantica ,
Nosque à tributo liberi
Hymni tributum pēdimus.

Deo Patri sit glória ,
Et Filio , qui à mortuis
Surrexit , ac Paráclito ,
Et nunc , & omne in sæculum.
Amen.

V. Annuntiavērunt ópera Dei ,
alleluia. **R.** Et facta ejus intellexē-
runt , alleluia.

Ad Benedictus , Antiphona.
Mirabilem sancti Jacóbi Apóstoli
hodiē psallētes victóriam , máxi-
mo cum gáudio laudēmus nomen
Dómini , alleluia. **Oratio.**

Deus , qui Hispaniārum Gen-
tem beato Jacóbo Apóstolo
tuo protegēdam misericórditer
tribuisti , & per eum ab imminē-
ti exitio mirabiliter liberasti : con-
cède quæsumus , ut eodem prote-
gente pace perfruāmur aeterna. Per
Dóminum nostrum.

Ad Tertiam , Añā. Dic , ut sé-
deant. **Capitulum.** Fratres , Puto
quòd Deus. **ut supra.**

R. breve. In omnem terram exi-
vit sonus eórum , * Alleluia , alle-
luia. In omnem. **V.** Et in fines or-
bis terræ verba eórum. Alleluia ,
alleluia. **Gloria Patri.** In omnem.
V. Constitues eos príncipes super
omnem terram , alleluia. **R.** Mé-
mores erunt nómínis tui Dómine ,
alleluia.

Ad Sextam, Antiphona.
Potestis bibere Cálicem.

Capitulum.

1. Cor. 4. c

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles.

R. breve. Constitues eos principes super omnem terram, * Alleluia, alleluia. Constitues. **V.** Memores erunt nominis tui Domine. Alleluia, alleluia. **Gloria Patri.** Constitues. **V.** Nimis honorati sunt amici tui Deus, alleluia. **R.** Nimis confortatus est principatus eorum, alleluia.

Ad Nonam, Antiphona.
Quicumque voluerit.

Capitulum.

1. Cor. 4. d

Nam si decem millia pedagogorum habeatis in Christo, sed non multos patres. Nam in Christo Jesu per Euangelium ego vos genui.

R. br. Nimis honorati sunt amici tui Deus, * Alleluia, alleluia. Nimis. **V.** Nimis confortatus est principatus eorum. Alleluia, alleluia. **Gloria Patri.** Nimis. **V.** Annuntiaverunt opera Dei, alleluia.

R. Et facta ejus intellexerunt, alleluia.

Ad Vesperas, Antiphonae de Laudibus. 6. Psalmi ut in secundis Vesperis de Communi Apostolorum. **Capitulum & Hymnus, ut in primis Vesperis.** **V.** Nimis honorati sunt amici tui Deus, alleluia. **R.** Nimis confortatus est principatus eorum, alleluia.

Ad Magnificat, Antiphona.

O beatum Apostolum, qui inter primos electus, primus omnium Apostolorum Domini calicem bibere meruit! O gloriosum Hispaniae regnum, tali pignore, ac patrone munitum, per quem fecit illi magna, qui potens est, alleluia.

Oratio.

Deus, qui Hispaniarum Gentem beato Jacobo Apostolo tuo protegendam misericorditer tribuisti, & per eum ab imminenti exitio mirabiliter liberaisti: concede quæsumus, ut, eodem protegente, pace perfruamur æterna. Per Dominum nostrum.

Si occurrat hoc Festum extra tempus Paschale celebrari, serventur Rubricæ Breviarii, & Missalis Romani.



HISPANIARUM.

Sanctissimus Dominus noster Benedictus Papa XIV.
Episcoporum Hispaniæ precibus benignè inclinatus scriptum
praescriptum Officium cum Missa Apparitionis sancti Jacobi
Apostoli, ac Hispaniarum Patroni approbavit, ac ab
omnibus tam Secularibus, quàm Regularibus, qui ad
Horas Canonicas tenentur, in Civitate, & Diœcesi Com-
postellana, sub Ritu Duplici secundæ Classis, in ceteris
verò Hispaniarum Provinciis sub Ritu Duplici minori
recitari, ac respectivè celebrari posse indulgit, atque com-
cessit. Hac die 27. Julii 1750.

D. F. Cardinalis Tamburinus, Præfectus.

Loco ✠ Sigilli.

T. Patriarcha Hierosolymitanus, Secret.